

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

RJEŠENJE

po Prijavi namjere koncentracije privrednog subjekta Adris Grupa d.d. Rovinj,

Republika Hrvatska

**Sarajevo,
maj, 2014. godine**



Broj: 04-26-1-001-24-II/14
Sarajevo, 29.5.2014. godine

Na osnovu člana 25. stav (1) tačka e), člana 42. stav (1) tačka d), a u vezi s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta Dioničko društvo Adris Grupa, Obala Vladimira Nazora 1, 52210 Rovinj, Republika Hrvatska, zaprimljenoj dana 7.2.2014. godine pod brojem: 04-26-1-001-II/14, Konkurencijsko vijeće Bosne i Hercegovine na 91. (devedesetprvoj) sjednici održanoj dana 29.5.2014. godine, je donijelo

R J E Š E N J E

1. Ocjenjuje se dopuštenom koncentracija na tržištu pružanja usluga životnog i neživotnog osiguranja u Bosni i Hercegovini, koja će nastati sticanjem kontrole privrednog subjekta Dioničko društvo Adris Grupa, Obala Vladimira Nazora 1, 52210 Rovinj, Republika Hrvatska, kupovinom većinskog udjela u privrednom subjektu Croatia osiguranje, Miramarska 22, 10000 Zagreb, Republika Hrvatska.
2. Ovo Rješenje je konačno i upisuje se u registar koncentracija.
3. Ovo Rješenje bit će objavljeno u "Službenom glasniku BiH", službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 7.2.2014. godine pod brojem: 04-26-1-001-II/14, zaprimilo Prijavu koncentracije (u daljem tekstu: Prijava) privrednog subjekta Dioničko društvo Adris Grupa, Obala Vladimira Nazora 1, 52210 Rovinj, Republika Hrvatska (u daljem tekstu: Podnosilac prijave ili Adris Grupa), podnesenu po punomoćniku, advokatu Nihadu Sijerčiću, Trg djece Sarajeva 1, 71000 Sarajevo (na osnovu punomoći od dana 23.12. 2013. godine), kojom namjerava steći kontrolu nad privrednim subjektom Croatia osiguranje, Miramarska 22, 10000 Zagreb, Republika Hrvatska (u daljem tekstu: Croatia osiguranje), kupovinom većinskog vlasničkog udjela u istom.

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. Zakona o konkurenciji («Službeni glasnik BiH», br. 48/05, 76/07 i 80/09), (u daljem tekstu: Zakon) i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekata («Službeni glasnik BiH», broj 30/10) (u daljem tekstu: Odluka o koncentracijama), te je dana 25.2.2014. godine, u skladu sa članom 31. Zakona, aktom broj: 04-26-1-001-4-II/14 zatražilo dopunu iste.

Podnosilac prijave je dana 27.2.2014. godine, podneskom broj: 04-26-1-001-5-II/14, a u skladu s članom 31.stav (2) Zakona, zatražilo produženje roka za dostavu tražene dokumentacije, gdje je Konkurencijsko vijeće ocijenilo da postoje opravdani razlozi podnošenja istog, te je dana 4.3.2014. godine aktom broj: 04-26-1-001-9-II/14, produžen rok za dodatnih 15 dana.

Podnosilac prijave Konkurencijskom vijeću je u više navrata samoinicijativno dostavljao dopune Prijave podnescima broj: 04-26-1-001-1-II/14 od dana 11.2.2014.godine, broj: 04-26-1-001-2-II/14 od dana 14.2.2014.godine, broj: 04-26-1-001-3-II/14 od dana 21.2.2014. godine, broj: 04-26-1-001-6-II/14 od dana 3.3.2014. godine i broj: 04-26-1-001-18-II/14 od dana 7.4.2014. godine.

Konkurencijsko vijeće je dana 12.3.2014. godine, aktima broj: 04-26-1-001-12-II/14 i broj: 04-26-1-001-15-II/14 od dana 26.3.2014.godine, od Podnosioca prijave zatražilo pojašnjenje i konačno izjašnjenje oko pravnog osnova predmetne koncentracije kao i preostalu finansijsku dokumentaciju za 2013. godinu, nakon čega je Podnosilac prijave podnescima broj: 04-26-1-001-14-II/14 od dana 19.3.2014. godine, broj: 04-26-1-001-16-II/14 od dana 2.4.2014. godine i broj: 04-26-1-001-17-II/14 od dana 4.4.2014. godine, dostavio traženo.

Nakon toga, Konkurencijsko vijeće je utvrdilo Prijavu kompletnom i u skladu s članom 30. stav (3) Zakona, dana 27.5.2014. godine pod brojem: 04-26-1-001-22-II/14 izdalo Potvrdu o prijemu kompletne i uredne Prijave.

Podnosilac prijave je naveo, u smislu člana 30. stav (2) Zakona, da je zahtjev za ocjenu namjeravane koncentracije podnio Agenciji za zaštitu tržišnog natjecanja Republike Hrvatske te da ima namjeru, istu, podnijeti i tijelu za konkurenciju Republike Srbije, Republike Kosova i Republike Makedonije.

Agencija za zaštitu tržišnog natjecanja Republike Hrvatske, dana 6.2.2014. godine, aktom broj: 580-06/91-214-015, odobrila je koncentraciju na području Republike Hrvatske, kojom privredni subjekt Adris grupa ima namjeru steći kontrolu nad privrednim subjektom Croatia osiguranje.

Konkurencijsko vijeće je u skladu s članom 16. stav (4) Zakona, dana 7.5.2014. godine u dnevnoj štampi Bosne i Hercegovine objavilo Obavijest o dostavljenoj Prijavi (akt broj: 04-26-1-001-20-II/14 (u daljem tekstu: Obavijest), u kojoj su objavljeni podaci o namjeravanoj koncentraciji, te pozvane sve zainteresovane strane na dostavljanje pisanih komentara u vezi provođenja iste. Na predmetnu Obavijest nisu dostavljeni komentari.

U postupku ocjene koncentracije, Konkurencijsko vijeće je utvrdilo slijedeće činjenice:

Prijava je podnesena, u smislu člana 16. stav (2) Zakona (namjeravana koncentracija s pravnim osnovom Načelni sporazum – pismo namjere).

1. Učesnici predmetne koncentracije

Učesnici namjeravane koncentracije su privredni subjekt Dioničko društvo Adris Grupa, Obala Vladimira Nazora 1, 52210 Rovinj, Republika Hrvatska i privredni subjekt Croatia osiguranje Miramarska 22, 10000 Zagreb, Republika Hrvatska.

1.1. Privredni subjekt Adris Grupa

Privredni subjekt Dioničko društvo Adris Grupa osnovano je u skladu s propisima Republike Hrvatske, sa registrovanim sjedištem na adresi Obala Vladimira Nazora 1, 52210 Rovinj, Republika Hrvatska, registrovano u Trgovinskom sudu u Rijeci - stalna služba u Pazinu pod registarskim brojem MBS 040001061.

U vlasničkoj strukturi privrednog subjekta Adris grupe učestvuju dioničari fizička lica i privredni subjekti, gdje maksimalan pojedinačni iznos vlasničkog udjela u visini od 20,39 % ima fizičko lice (..)**¹.

Privredni subjekt Adris grupu čine dvije strateške poslovne jedinice: duhanska i turistička, u okviru koje posluje preko 20 društava čija se privredna djelatnost odvija na poljima proizvodnje i prodaje duhana, turizma, nekretnina i dr.

Privredni subjekt Adris grupa je većinski vlasnik slijedećih društava u Bosni i Hercegovini – TDR d.o.o. Sarajevo ((..)** % udjela) i Opresa d.d. Sarajevo ((..)**% udjela).

Također, privredni subjekt Adris grupa, preko svog povezanog društva Opresa d.d. Sarajevo, ima indirektno udjele u osnovnom kapitalu u privrednom subjektu Satelit plus d.o.o. Čitluk ((..)** % udjela) i privrednom subjektu Adista BH d.o.o. Sarajevo ((..)** udjela – društvo osnovano u novembru 2013.godine).

1.1.1. Privredni subjekt TDR d.o.o. Sarajevo

Privredni subjekt TDR d.o.o. Sarajevo, Fra Anđela Zvizdovića 1, 71000 Sarajevo, registrovan u Općinskom sudu u Sarajevu, s matičnim brojem: 65-01-0140-12, sa registrovanom djelatnošću trgovine na veliko i malo raznovrsnim proizvodima, pretežno duhanom.

Privredni subjekt TDR d.o.o. Sarajevo nema udjela u osnovnom kapitalu drugih privrednih subjekata u Bosni i Hercegovini.

1.1.2. Privredni subjekt Opresa d.d. Sarajevo

Dioničko društvo za unutrašnju i spoljnu trgovinu Opresa d.d. Sarajevo, Džemala Bijedića 185, 71000 Sarajevo, registrovano u sudskom registru Općinskog suda u Sarajevu pod brojem MBS: 65-02-0003-10, pretežna djelatnost je trgovina na malo i veliko, te je jedan od najvećih maloprodajnih lanaca u Bosni i Hercegovini za prodaju duhana, štampe, dopuna i telefonskih kartica mobilnih BH operatera.

Privredni subjekt Opresa d.d. Sarajevo ima u Bosni i Hercegovini većinske udjele u osnovnom kapitalu privrednog subjekta Satelit plus d.o.o. Čitluk (distribucija prepaid usluga mobilnih operatera) i privrednog subjekta Adista BH d.o.o. Sarajevo (trgovina na veliko duhanom i duhanskim prerađevinama).

1.2. Privredni subjekt Croatia osiguranje

Privredni subjekt Croatia osiguranje, Miramarska 22, Zagreb, Republika Hrvatska, je registrovan u Trgovinskom sudu u Zagrebu pod brojem MBS: 080051022, sa 80,2% ukupnog kapitala Vlade Republike Hrvatske, i sa pretežnim djelatnostima u pružanju usluga životnog i neživotnog osiguranja.

U Bosni i Hercegovini privredni subjekt Croatia osiguranje je prisutan na tržištu pružanja usluga životnog i neživotnog osiguranja.

Privredni subjekt Croatia osiguranje u Bosni i Hercegovini je većinski vlasnik privrednog subjekta Croatia osiguranje d.d. Ljubuški ((..)** %) preko kojeg ima indirektno udjele u

¹ (..)** podaci predstavljaju poslovnu tajnu

kapitalu privrednih subjekata: Crotehna d.o.o. Ljubuški ((..)**² %), Croatia remont d.d. Čapljina ((..)** %), Croatia Vitez d.o.o. Vitez ((..)** %), Croauto d.o.o. Mostar ((..)**%), Hotel Hum d.o.o. Ljubuški ((..)** % + (..)** % u vlasništvu Crotehna d.o.o. Ljubuški) i Ponte d.o.o. Mostar ((..)** % Crotehna d.o.o. Ljubuški + (..)** % Croauto d.o.o. Mostar).

1.2.1. Privredni subjekt Croatia osiguranje d.d. Ljubuški

Privredni subjekt Croatia osiguranje d.d. Ljubuški, Nikole Kordića bb, 88320 Ljubuški, registrovan u Općinskom sudu u Širokom Brijegu, pod brojem MBS: 64-02-0003-08, s pretežnom djelatnošću u pružanju usluga životnog i neživotnog osiguranja.

Privredni subjekt Croatia osiguranje d.d. Ljubuški nema udjela u osnovnom kapitalu drugih privrednih subjekata u Bosni i Hercegovini.

1.2.1.1. Privredni subjekt Crotehna d.o.o. Ljubuški

Privredni subjekt Crotehna d.o.o. Ljubuški, Nikole Kordića bb, 88320 Ljubuški, je registrovan u Općinskom sudu u Širokom Brijegu pod brojem MBS: 64-01-0168-09, s pretežnom djelatnošću tehničkog pregleda vozila.

Privredni subjekt Crotehna d.o.o. Ljubuški nema udjela u osnovnom kapitalu drugih privrednih subjekata u Bosni i Hercegovini.

1.2.1.2. Privredni subjekt Croatia remont d.d. Čapljina

Privredni subjekt Croatia remont d.d. Čapljina, Tasovčići bb, 88300 Čapljina, je registrovan u Općinskom sudu u Mostaru, pod brojem: 1-9341, s pretežnom djelatnošću tehničkog pregleda vozila.

Privredni subjekt Croatia remont d.d. Čapljina nema udjela u osnovnom kapitalu drugih privrednih subjekata u Bosni i Hercegovini.

1.2.1.3. Privredni subjekt Croatia Vitez d.o.o. Vitez

Privredni subjekt Croatia Vitez d.o.o. Vitez, Divjak bb, 72250 Vitez, je registrovan u Općinskom sudu u Travniku, pod brojem: 51-01-0026-10, s pretežnom djelatnošću tehničkog pregleda vozila.

Privredni subjekt Croatia Vitez d.o.o. Vitez nema udjela u osnovnom kapitalu drugih privrednih subjekata u Bosni i Hercegovini.

1.2.1.4. Privredni subjekt Croauto d.o.o. Mostar

Privredni subjekt Croauto d.o.o. Mostar, Kneza Domagoja 11b, 88000 Mostar, je registrovan u Općinskom sudu u Mostaru, pod brojem: 1-9441, s pretežnom djelatnošću uvoza, distribucije i tehničkog pregleda vozila.

Privredni subjekt Croauto d.o.o. Mostar nema udjela u osnovnom kapitalu drugih privrednih subjekata u Bosni i Hercegovini.

1.2.1.5. Privredni subjekt Hotel Hum d.o.o. Ljubuški

² (..)** podaci predstavljaju poslovnu tajnu

Privredni subjekt Hotel Hum d.o.o. Ljubuški, Nikole Kordića bb, 88320 Ljubuški, je registrovan u Općinskom sudu u Širokom Brijegu, pod brojem: 64-01-0192-10, s pretežnom djelatnošću ugostiteljstva i turizma.

Privredni subjekt Hotel Hum d.o.o. Ljubuški nema udjela u osnovnom kapitalu drugih privrednih subjekata u Bosni i Hercegovini.

1.2.1.6. Privredni subjekt Ponte d.o.o. Mostar

Privredni subjekt Ponte d.o.o. Mostar, Biskupa Čule bb, 88000 Mostar, je registrovan u Općinskom sudu u Mostaru, pod brojem MBS: 58-01-0140-09, s pretežnom djelatnošću zastupanja u osiguranju.

Privredni subjekt Ponte d.o.o. Mostar nema udjela u osnovnom kapitalu drugih privrednih subjekata u Bosni i Hercegovini.

2. Obaveza prijave koncentracije

Obaveza prijave koncentracije nastaje, u smislu odredbe člana 14. stav (1) Zakona, kada učesnici koncentracije prodajom roba i/ili usluga ostvare na svjetskom tržištu 100 miliona KM po završnom računu u godini koja je prethodila koncentraciji, i kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i /ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni godišnji prihod učesnika namjeravane koncentracije i njihovih povezanih društava na dan 31. decembar 2013. godine iznosio je:

Tabela 1.

R.b.	Učesnici koncentracije	Bosna i Hercegovina	Svijet
1.	Adris grupa	(..)** ³ KM	(..)** KM
2.	TDR d.o.o. Sarajevo	(..)** KM	(..)** KM
3.	Opresa d.d. Sarajevo	(..)** KM	(..)** KM
4.	Croatia osiguranje d.d. Zagreb	(..)** KM	(..)** KM
5.	Croatia osiguranje d.d. Ljubuški	(..)** KM	(..)** KM
6.	Crotehna d.o.o. Ljubuški	(..)** KM	(..)** KM
7.	Croatia remont d.d. Čapljina	(..)** KM	(..)**KM
8.	Croatia Vitez d.o.o. Vitez	(..)** KM	(..)**KM
9.	Croauto d.o.o. Mostar	(..)** KM	(..)**KM
10.	Hotel Hum d.o.o. Ljubuški	(..)** KM	(..)**KM
11.	Ponte d.o.o. Mostar	(..)** KM	(..)**KM

Izvor: Podaci iz prijave

Godišnji prihodi učesnika koncentracije predstavljaju ukupne prihode (bez poreza na dodanu vrijednost i drugih poreza), u smislu člana 9. tačka h) Odluke o koncentracijama, odnosno vrijednost bruto premija i premija reosiguranja, nakon odbijanja poreza i parafiskalnih taksi, u smislu člana 15.stav (1) tačka b) Zakona.

³ (..)** podaci predstavljaju poslovnu tajnu

Na osnovu navedenih podataka (Tabela1.) Konkurencijsko vijeće je utvrdilo da su učesnici koncentracije u 2013. godini, kao godini koja prethodi namjeri koncentracije, ostvarili ukupan prihod (na svjetskom tržištu kao i na tržištu Bosne i Hercegovine) koji podliježe obavezi prijave namjeravane koncentracije iz člana 14. stav (1) Zakona.

3. Pravni okvir ocjene koncentracije

Konkurencijsko vijeće je u provođenju postupka ocjene predmetne koncentracije primijenilo odredbe Zakona, Odluke o načinu podnošenja prijave i kriterijima za ocjenu koncentracija privrednih subjekata ("Službeni glasnik BiH", br. 34/10), Odluke o utvrđivanju relevantnog tržišta ("Službeni glasnik BiH", br. 18/06 i 34/10) i Odluke o definisanju kategorija dominantnog položaja ("Službeni glasnik BiH", br. 18/06 i 34/10).

Konkurencijsko vijeće, u skladu sa članom 43. stav (7) Zakona, pri izračunavanju ukupnih godišnjih prihoda učesnika koncentracije je koristilo kriterije i standarde Obavijesti Evropske komisije o izračunu ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekata.

4. Pravni osnov i oblik koncentracije

Prema navodima Podnosioca prijave pravni osnov predstavljaju:

- (i) Obavezujuća ponuda od dana 16.12.2013. godine, u kojoj je iskazana nesumnjiva namjera Podnosioca prijave za preuzimanje kontrole nad Croatia osiguranjem,
- (ii) Odluka Vlade Republike Hrvatske od dana 28.12.2013. godine, o odabiru najpovoljnijeg investitora za kupnju vlasničkog udjela Republike Hrvatske i dokapitalizaciju Croatia osiguranja, u kojoj je iskazana nesumnjiva namjera Vlade Republike Hrvatske da kontrolu nad Croatia osiguranjem prenese na Podnosioca Prijave, i
- (iii) Ugovor o kupoprodaji 39,7% dionica Croatia osiguranja zaključen između Vlade Republike Hrvatske i Podnosioca prijave dana 6.3.2014.godine.

Ova tri dokumenta imaju se posmatrati u cjelini i tako posmatrani predstavljaju pismo namjere potpisano od oba učesnika koncentracije, a kojim se isti sporazumijevaju o namjeri prenosa kontrole nad ciljnim društvom.

Slijedom navedenog, nedvosmisleno je izjavljena namjera za sticanjem kontrole, odnosno predmetna koncentracija prijavljena je na osnovu odredbi člana 16. stav (2) Zakona, te navedena dokumenta posmatrana zajedno, predstavljaju pravni osnov koncentracije.

U prvom koraku privredni subjekt Adris grupa namjerava da kupi od Republike Hrvatske do 50,0% dionica, nakon čega će slijediti javna ponuda dionica u kojoj će privredni subjekt Adris Grupa nastojati da kupi više od 51,0% dionica privrednog subjekta Croatia osiguranja. U periodu od 6 mjeseci izvršit će se dokapitalizacija privrednog subjekta Croatia osiguranja tako da bi u konačnoj vlasničkoj strukturi privredni subjekt Adris Grupa trebala imati oko 60,0% dionica privrednog subjekta Croatia osiguranja.

Konkurencijsko vijeće je dana 4.3.2014. godine, podnijelo zahtjev za davanjem mišljenja Komisiji za vrijednosne papire Federacije Bosne i Hercegovine i Republike Srpske (akti broj: 04-26-1-001-7-II/14 i broj: 04-26-1-001-8-II/14) da li se Poziv Vlade Republike Hrvatske za iskazivanje interesa i prikupljanje neobavezujućih ponuda za sticanje dionica privrednog subjekta Croatia osiguranja, te obavezujuća ponuda Adris grupe, imaju smatrati zaključenim načelnim sporazumom ili pismom namjere. Predmetne komisije dale su mišljenje (podnesci broj: 04-26-1-001-11-II/14 od dana 10.3.2014. godine i broj: 04-26-1-001-13-II/14 od dana

19.03.2014. godine) da prva faza u kojoj se isključivo radi o pozivu za iskazivanje interesa, kao i obavezujuća ponuda Adris grupe, nisu javna ponuda u smislu Zakona o preuzimanju dioničkog društva ("Službene novine F BiH", broj 7/06), te se imaju smatrati obavještenjem o namjeri koncentracije, u smislu člana 16. stav (2) Zakona.

U skladu sa naprijed navedenim, pravni oblik predmetne koncentracije je sticanje kontrole ili dominantnog uticaja jednog privrednog subjekta nad drugim, kupovinom većine dionica ili udjela osnovnog kapitala, u skladu sa članom 12. stav (1) tačka b) pod (1) Zakona.

5. Relevantno tržište

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda i/ili usluga koji su predmet obavljanja djelatnosti na određenom geografskom području.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Imajući u vidu da se učesnici koncentracije na preklapaju u djelatnostima na tržištu, a da privredni subjekt Croatia osiguranje, nad kojim se stiče kontrola, obavlja usluge životnog i neživotnog osiguranja, relevantnim tržištem proizvoda /usluga u predmetnoj namjeri koncentracije smatra se tržište pružanja usluga životnog i neživotnog osiguranja.

Budući da učesnici predmetne koncentracije poslovno djeluju na cijeloj teritoriji Bosne i Hercegovine, relevantnim tržištem u geografskom smislu smatrat će se cijela teritorija Bosne i Hercegovine.

Na osnovu navedenog, relevantnim tržištem predmetne namjere koncentracije smatra se tržište pružanja usluga životnog i neživotnog osiguranja na cijeloj teritoriji Bosne i Hercegovine.

5.1. Analiza relevantnog tržišta

Na osnovu podataka Podnosioca prijave i preliminarnih podataka Agencije za osiguranje Bosne i Hercegovine, tržišni udjeli učesnika koncentracije i glavnih konkurenata na relevantnom tržištu životnog i neživotnog osiguranja u cijeloj Bosni i Hercegovini za 2013. godinu su:

5.1.1. Tržište neživotnog osiguranja

Tabela 2.

R.b.	Naziv privrednog subjekta	Tržišni udio% (na osnovu bruto premija)
01.	Sarajevo osiguranje d.d. Sarajevo	14,4
02.	Euroherc osiguranje d.d. Sarajevo	10,5
03.	Bosna-Sunce osiguranje d.d. Sarajevo	9,8
04.	Triglav osiguranje d.d. Sarajevo	8,3
05.	Croatia osiguranje d.d. Ljubuški	8,1

06.	Ostali	49,0
	UKUPNO:	100,00

Izvor: Podaci iz prijave (na osnovu preliminaranih podataka Agencije za osiguranje BiH)

5.1.2. Tržište životnog osiguranja

Tabela3.

R.b.	Naziv privrednog subjekta	Tržišni udio% (na osnovu bruto premija)
01.	Grawe osiguranje d.d. Sarajevo	31,3
02.	Merkur BH osiguranje d.d. Sarajevo	25,5
03.	Uniqa osiguranje d.d. Sarajevo	24,1
04.	Croatia osiguranje d.d.Ljubuški	5,9
05.	Triglav osiguranje d.d. Sarajevo	4,7
06.	Ostali	8,5
	UKUPNO:	100,00

Izvor: Podaci iz Prijave (na osnovu preliminaranih podataka Agencije za osiguranje BiH)

Nakon provođenja namjeravane koncentracije, procjenjuje se da će tržišni udio učesnika koncentracije i njihovih povezanih društava na relevantnom tržištu pružanja usluga životnog osiguranja iznositi 5,9%, odnosno na tržištu pružanja usluga neživotnog osiguranja 8,1% .

6. Ocjena predmetne koncentracije

Konkurencijsko vijeće je analizom relevantnih podataka, u smislu člana 17. Zakona, ocijenilo da provođenjem namjeravane koncentracije neće doći do sprječavanja, ograničavanja ili narušavanja tržišne konkurencije, niti će doći do povećanja tržišnog udjela (Tabele 2. i 3.) učesnika koncentracije, obzirom da privredni subjekt Adris Grupa nije prisutan na relevantnom tržištu u Bosni i Hercegovini.

Također, Konkurencijsko vijeće je ocijenilo da na relevantnom tržištu djeluje kontinuirano veliki broj konkurenata i da nema ograničenja za ulazak na relevantno tržište potencijalnim konkurentima, obzirom da tržište osiguranja ima veliki potencijal u Bosni i Hercegovini

Imajući u vidu navedeno, Konkurencijsko vijeće je u smislu člana 18. stav (2) tačka a) Zakona, odlučilo kao u dispozitivu ovog Rješenja.

7. Administrativna taksa

Podnosilac prijave u skladu s članom 2. tarifni broj 107. stav (1) tačka d) pod 1) Odluke o visini administrativnih taksi u vezi sa procesnim radnjama pred Konkurencijskim vijećem (Službeni glasnik BiH», br. 30/06 i 18/11), dužan je platiti administrativnu taksu na ovo Rješenje u iznosu od 2.500,00 KM, u korist Budžeta institucija Bosne i Hercegovine.

8. Pouka o pravnom lijeku

Protiv ovog Rješenja nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovoga Rješenja, odnosno od dana njegovog objavljivanja.

Predsjednik

Gordan Raspudić